



3. januaari 2022

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. **Kigutinik narlorsaaneq 18-it inorlugit ukiulinnut atuuttoq Nuummi najugaqartunuinnaq neqeroorutaassasoq, Naalakkersuisut aalajangiusimaannarnerannut suna pissutaava¹?**
2. **Aningaasanut inatsimmi konto 34.13.01-imut oqaasertaliunneqarsimasut, killilimmik kigutinik iluarsaasoqarsinnaasoq annerusumillu kigutilerisoqarsinnaanngitsoq, Naalakkersuisut namminneq qanoq paasivaat?**
3. **Kigutinik narlorsaasarneq / narlorsaasertittarneq annertusarniarlugu innuttaasullu naligiimmik inissinniarlugit Naalakkersuisut pilersaaruteqarpat?**
 - a. **Taamaappat, aaqqissuussineq nuna tamakkerlugu qaqugu atuutsilissasoq Naalakkersuisut naatsorsuutigaat?**

(Inatsisartunut ilaasortaq Doris J. Jensen, Siumut)

Tungavilersuut:

§ 37 aqqutigalugu kigutinik narlorsaaneq pillugu siusinnerusukkut apeqquteqaammut (91/2022) taamani Naalakkersuisut akissuteqaatertik tungavilersorpaat, aningaasartuutit Aningaasanut inatsimmi atuuttumi akuersissutigineqartutut pioreersut iluaniiginnarnissaat aalajangiunneqarsimasoq. Maanna konto 34.13.01-imut oqaasertaliussami allassimavoq, killilimmik kigutinik iluarsaasoqarsinnaasoq annerusumillu kigutilerisoqarsinnaanngitsoq.

Paaserusuppara kigutinik narlorsaanermik / narlorsaasertittarnernik pisariaqartitsisut 18-it inorlugit ukiullit naligiimmik inissimalernissaanut Naalakkersuisut pilersaaruteqarnerisut.

Ullut suliffiusut qulit iluanni akissutisinissara kissaatigaara.

¹ Takuuk § 37 aqqutigalugu narlorsaaneq pillugu apeqquteqaat (91/2022), qupp. 2.